



**ХОВД АЙМГИЙН ЗАСАГ ДАРГЫН
АЛБАН ДААЛГАВАР**

2020 оны 03 сарын 31 өдөр

Дугаар 01

Ховд

Үер, усны аюулаас урьдчилан сэргийлэх тухай

Жил бүрийн хаврын улиралд шар усны үер, зуны улиралд уруйн үерийн нөхцөл байдал хүндэрч улс эх орон, нийгэм эдийн засагт ихээхэн хэмжээний хохирол учруулсаар байна.

2019 оны аймгийн Засаг даргын 02 дугаар албан даалгаврын хүрээнд үер усны аюулаас урьдчилан сэргийлэх ажлыг шуурхай зохион байгуулснаар аймгийн хэмжээнд үерийн аюул гараагүй, усны осол 2018 онтой харьцуулахад 80,2 хувиар буурсан.

Түүнчлэн 2020 оны 4,5,6 дугаар саруудад нийт нутгаар олон жилийн дундажаас бага хур тунадас орж 7,8 дугаар сард үе үе дуу цахилгаантай усархаг бороо орох урьдчилсан төлөв мэдээг Цаг уур, орчны шинжилгээний албанаас гаргасан.

Иймд Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.6-ийн “л” заалт, 30 дугаар зүйлийн 30.1.6 дахь заалт, Гамшгаас хамгаалах тухай хуулийн 32 дугаар зүйлийн 32.1.1 дэхь заалт, Онцгой байдлын газрын саналыг тус тус үндэслэн ДААЛГАХ НЬ:

Нэг: Баруун бүсийн төв-Ховд аймгийн

Онцгой байдлын газрын дарга дэд хурандаа Б.Алтанбадралт

1.1 Цаг агаарын аюулт үзэгдэл, үер усны аюулаас урьдчилан сэргийлэх, анхааруулах санамж сэрэмжлүүлэг мэдээ мэдээллийг хэвлэл мэдээллийн байгууллага болон цахим сайтаар ард иргэдэд хүргэх ажлыг зохион байгуулах.

1.2 Үерийн үед ажиллах гамшгаас хамгаалах алба, мэргэжлийн ангийг хүн хүч, техник хэрэгсэлийг бэлтгэх, бэлэн байдлыг хангуулах.

D/AD/01-Da

02 00002

1.3 Мэргэжлийн байгууллагатай хамтран аймгийн үерийн хамгаалалтын далан, ус зайлуулах хоолойд үзлэг шалгалт зохион байгуулж, холбогдох байгууллагуудад зөрчлийг яаралтай арилгах талаар албан бичиг гаргаж хүргүүлэн хэрэгжилтэнд хяналт тавин ажиллах.

Хоёр:Сумдын Засаг дарга нарт:

2.1 Гамшгаас хамгаалах алба, мэргэжлийн анги, сайн дурын хэсэг тэдгээрийг гамшгийн үед үүрэг гүйцэтгэх дадлага, чадвартай болгох, хүн хүч, техник хэрэгслийн бэлтгэл бэлэн байдлыг хангаж ажиллах.

2.2 Гамшгаас хамгаалах хууль тогтоомж, дээд шатны байгууллагын шийдвэрийн хэрэгжилтийг хангах.

2.3 Орон нутгийн онцгой байдлын байгууллага, гамшгаас хамгаалах алба, мэргэжлийн ангийг ажиллах нөхцөл боломжоор хангах дэмжлэг үзүүлэх.

2.4 Сум, орон нутгийн хэмжээнд үерийн хамгаалалтын даланд үзлэг шалгалт хийж шар усны болон уруйн үер усны улмаас эвдэрч болзошгүй газруудад даланг сэргээн засварлах.

2.5 Сум, орон нутгийн хэмжээнд үерийн аюулын эрсдэлийн үнэлгээ хийж, аюулын зураглал гаргаж, урьдчилан сэргийлэх арга хэмжээ зохион байгуулах.

2.6 Үерийн усны гольдрил, ховил, далан, суваг шуудууг хаасан хог хаягдлыг цэвэрлэх ажиллагааг шуурхай зохион байгуулах.

2.7 Үерийн аюултай бүс нутагт зөвшөөрөлгүй буусан айл өрхийг албадан нүүлгэн шилжүүлэх арга хэмжээг зохион байгуулах.

2.8 Сум орон нутгийн хэмжээнд үерийн аюул, болон гамшгаас хамгаалах арга хэмжээг төлөвлөх, санхүүжүүлэх, харилцаа, холбоо, зарлан мэдээлэх системийн байнгын бэлэн байдлыг хангах.

2.9 Үерийн аюулын тухай Цаг уур, орчны шинжилгээний газраас гаргасан урьдчилан сэргийлэх мэдээ, гэнэтийн үерийн тухай ард иргэдийн дамжуулсан мэдээллийг хүлээн авч мэдээлэлд дүн шинжилгээ хийж үер усны аюулаас сэрэмжлүүлэх мэдээллийг байгууллага аж ахуй нэгж, малчид, ард иргэдэд шуурхай хүргэж ажиллах.

2.10 Бага насны хүүхдийг хараа хяналтгүй голын эргээр явуулахгүй байх талаар гэр бүл, асран хамгаалагчдад зөвлөх, иргэдийн болгоомжгүй байдлаас усанд осолдож амь насаа алдахаас урьдчилан сэргийлэх.

2.11 Сумдын Онцгой комисс, гамшгаас хамгаалах алба, мэргэжлийн ангийн бэлэн байдлыг хангах үерийн усны аюулын үед хөдөлмөр хамгаалал аюулгүй ажиллагааг сайтар мөрдөж шуурхай ажиллагаа зохион байгуулж хохирлын үнэн зөв тооцох.

2.12 Үерийн аюул тохиолдсон үед сандарч тэвдэлгүйгээр өөрийн болон бусдын амь насыг хамгаалах, өрх бүр хөвөгч хэрэгсэлтэй болох, үерээс хамгаалах уламжлалт аргуудыг ард иргэдэд ухуулан таниулах, сургах.

2.13 Малчид ард иргэдэд хашаа, хороо, гэр орноо үерийн уснаас хамгаалсан далан, суваг, шуудууг татуулах арга хэмжээг зохион байгуулах.

Гурав: Ховд АЗЗА ХХК-ний захирал /Б.Батсүх/-д

3.1 Төв суурин газрын төвлөрсөн авто замыг үерээс хамгаалах далан суваг, шуудууг сэргээх, ус зайлуулах хоолойг цэвэрлэх, усны түрэлт үүсч болзошгүй газруудад даланг өндөрлөх зэрэг ажлыг зохион байгуулж, шаардлагатай хүн хүч, техникийн бэлэн байдлыг хангах.

Албан даалгаварын биелэлтийг хангуулж, хэрэгжилтэнд хяналт тавьж тайланг 2020 оны 11 дүгээр сарын 10-ны өдрийн дотор нэгтгэн дүгнэж, танилцуулахыг Баруун бүсийн төв-Ховд аймгийн Онцгой байдлын газрын дарга онцгой байдлын /дэд хурандаа Б.Алтанбадралт/-д даалгасугай.

ЗАСАГ ДАРГА



Б. ДҮГЭРЖАВ

